

卷二九六〇 鼎字

卷二九八〇 嶺字

卷二九八一 嶺字

永樂大典

永樂大典卷之一萬一千九百六十

十九梗


鼎


周鼎

周舉鼎


減小
樣製

宣和博古圖





舉




右高八寸九分。耳高二寸一分。間二寸四分。深五寸七分。口徑七寸九分。腹徑九寸。容一斗一升三合。重十有三斤二兩三錢。銘一字曰舉。器之銘舉者。非特是鼎。若父癸尊而銘之曰中舉。季公麟得古爵於壽陽。而銘之曰已舉。王玠得古爵於洛。而銘之曰丁舉。其有見於銘者如此。若杜舉洗而揚觶以飲平公。因謂之杜舉。則又見於獻酬之制。此銘一字曰舉。義有在於是歟。觀其製作耳足與腹皆純素不設文鏤。而三面有饗饗狀。間之雷紋。銘與商器皆近似。而文過之。周初器也。黃伯思東觀餘論按得古文舉字也。三代彝器有此文者頗多。如爵有已舉。自有丁舉之類。是也。戴記晉杜蕢洗爵揚觶以規平公。特人因謂之杜舉。蓋爵觶之屬。可舉以獻酬之器。故或目以舉。今此鼎亦銘以舉。而但一字。又非可舉以獻酬之器。則此所謂舉。乃人名也。與杜舉已舉異矣。以載稽考之。宋之僖公名舉。楚有大夫伍舉。下蔡有父舉。燕有唐舉。雖皆周人。然史舉賤而為監門。唐舉微而為相者。又皆周末人。而此鼎乃非晚周之器。今驗其銘款。若非宋僖公舉則伍舉也。僖公微子之後。與周始終伍舉莊共之大夫。為楚聞臣。宜其制作傳承而不忘。然傳以諸侯言時計功。大夫稱伐為銘之法。而此鼎特著名而不紀績。亦猶公非之鼎第銘以非。公孫董之鼎第銘以董。亦一字


商。廣川書跋周舉鼎銘。秘閣既定作古器圖。并考論其制上之。或以問曰。特爲古文舉。然此爲舉鼎。謂可舉邪。且三代之器。言舉者衆矣。已爵爲舉。子爵爲舉。凡可舉以進者。謂得名之。今按此鼎銘舉。其器非爵可舉。而大且容斗六升重十四斤。其得舉哉。曰。晉平公有臣杜舉。酌公以罰。又罰其二臣。且自酌也。後之爲制者。設之於庭。以待直言。晉謂杜舉其後。改爲白獸尊。設於庭。以示百官。其昭大矣。不必爲一爵而存也。蓋因名而得以有作矣。然制器簡古。文字特異。蓋晉之當世。或其後人所作。以示於衆。非秦漢之居所爲也。觀古之制器。類有所本。而揚竿洗觥。一時有見。乃傳後世。不忘況其器猶傳。此其可貴者。豈偶然一古物供耳目之玩好哉。余願得附其言於此。竊有慕於古焉。

周威君鼎

依元
樣製

宣和傳古圖





止
 止
 止

里
 里
 里

之
 銅
 鼎


威
 河
 君
 光

右高六寸八分。耳高二寸四分。闕二寸二分。深五寸九分。口徑七寸八分。腹徑八寸六分。容一升五合。重八斤有半。三足。銘七字曰。威河君光之。飼鼎者。威河君。考諸經傳無所見。然飼鼎者。質之鼎。莫有曰餽鼎。取易覆公餽之義。有曰饋鼎。以爲猶飯之器。此曰飼者。蓋飼糧也。王安石以謂行食爲糧。是鼎得非用之於行食耶。腹間作螭虬耳飾。以雲紋足。皆狀獸字。與許子鍾虬類。乃周末之物。但闕其蓋耳。

周鮮鼎

減小樣製

宣和傳古圖



鮮

鮮

右高一尺四寸九分。耳高四寸二分。闊四寸八分。深一尺一寸。口徑一尺六寸。腹徑一尺七寸五分。容七升三合。重五十八斤三足。錫狀一魚形。按詩言。誰能烹魚。既之釜鬻。與夫混元所謂治大國若烹小鮮。蓋烹鮮之術。止於嚴水火之齊。無所用力。是非煮烹。能奉薦饗則烹。鮮有職於此。故因其魚形。而以鮮名之。且商之鼎彝。多取象於物。此鼎周器。款識簡古。不加紋鏤。為一魚形。豈周固於商禮。去商未遠。餘風猶存耶。不然。何以純素如此。

周伯郵父鼎

沐元
樣製

宣和博古圖





晉司徒伯卹父
作周姬寶尊鼎
其萬年永寶用

晉司徒伯卹父

作周姬寶尊鼎


其萬年永寶用

右高六寸二分。耳高一寸九分。闊二寸。深四寸一分。口徑八寸。腹徑七寸八分。容六升一合。重六斤有半。三足。銘十有八字。曰晉司徒伯卹父。按晉以僖侯諱司徒。故廢司徒爲中軍。稽之周歷。晉僖侯之元年。實周共和之二年。雖而下之。至周平王之四十八年。魯隱公始居攝。蓋百有餘年矣。孔丘作春秋。斷自魯隱始。則前乎此。列國雖有名卿大夫。往往無復考。按是以伯卹父之名。不見於經傳。此鼎以獸飾足腹間。著以螭螭兩耳。純緣皆素鬱。有古風。殆成康時物也。

周節鼎

依元
錄製

宣和博古圖





節

右高六寸六分。耳高一寸五分。闊一寸八分。深四寸三分。口徑六寸三分。腹徑六寸六分。容四升七合。重六斤十有二兩。三足。銘一字曰節。未詳其爲誰疑其名也。是罪耳足純素純緣之下起六觚。校爲三獸面。以蟠夔雷紋爲飾。腹間又作垂花。中著以蟬紋蟲鏤。精巧其色。瑟瑟寔。琬周精工所致也。

周仲偁父鼎

減小
樣製

宣和傳古圖



唯王五月初吉丁亥
 周伯阜及仲偁父
 我南淮節孚金
 用作寶鼎其萬
 年子孫永寶用

唯王五月初吉丁亥
 周伯阜及仲偁父
 我南淮節孚金
 用作寶鼎其萬
 年子孫永寶用

右高八寸二分。耳高二寸一分。闊二寸三分。深五寸五分。口徑五寸五分。
 容一斗二升。重十有二斤。三足。銘三十五字。夫天下有道。禮樂自天子出。
 故凡彝器名物。非下可得而專。若召虎之平淮夷。宣王用以昭有功。則於
 是簠爾圭瓚。非宅一而伯阜及仲偁父有伐南淮之勲。則賜作寶鼎。乃其
 宜也。曰。伯仲則又言其昆弟也。詩曰。伯氏吹埙。指昆弟耳。昆弟皆知移孝
 以事其君。於是有南淮之烈。豈周室之作人其盛有見於斯耶。其銘諸蓋
 所以昭之也。

周大叔鼎

休元
祿製

宣和博古圖

